

**BULLA ALEXANDRI III.**  
**PONTIFICIS MAXIMI,**  
**DE JUBILÆO DIVI JACOBI UNICI**  
**HISPANIARUM PATRONI.**  
**AD PERPETUAM REI MEMORIAM.**



ALEXANDER Episcopus Servus Servorum Dei. Regis æterni, cujus manifestissima pietas tanta nobis Divinæ gratiæ dona perfudit, ut ad vitæ supernæ gloriæ vocandis mortalibus, non solum Prophetarum oracula, ac præcedentium Patrum, exempla pariter, & documenta præbuerunt; sed & ipsa veritas, ejus scilicet Unigenitus, de summis Cælorum ad Imma pro generis humani salute descendens, mortalitatis nostræ carne assumpta, visibilis, & corporalis voluerit apparere: eo quod nascente Sanctorum numero, quos sua justificaverat gratia, ampliare dignatus est; vices licet immeriti gerentes in terris, ac pia ipsius officia, & actiones imitantes, ad illa, curis vigilamus assiduis, studiisque indefessis enitimus, per quam nostræ operationis ministerio sacra Religionis in agro Dominico superna dispensatione plantare. Ut universis vigilantia nostræ creditis, talia favorabiliter concedamus, per quæ in præsentis vita, pijs intenti operibus puris mentibus altissimo gratum redere famulatum, & per hoc ad æternæ claritatis sine fine visionem feliciter valeant pervenire, & propterea quæ à Romanis Pontificibus Prædecessoribus nostris proinde concessa fuerunt, libenter approbamus, ac Apostolico munimine roboramus, illaque ampliori perstringimus firmitatis adminiculo, quo in ævum inconcussa valeant permanere firmius solidata: ac etiam de novo concedimus prout id in Domino conspicimus salubriter expedire. Dudum siquidem felicitis recordationis Calixtus Secundus Romanus Pontifex, Prædecessor noster, Sanctam Compostellanam B. JACOBI ZEBEDÆI Ecclesiam, cujus in ea venerandissimum Corpus honorificè est positum, ob nimium devotionis affectum quem ad ipsum Sanctum tenuit, & ob tantorum innumerabiliumque Perigrinorum concursum, ex omnibus mundi partibus, ob remissionem suorum peccaminum, ad eandem Ecclesiam continuè confluentium, qui propter tanti Apostoli merita se suarum salutem animarum credunt adepturos, Apostolicæ Sedis, privilegiis, gratiis, & indulgentiis communivit. Voluit siquidem quod præfata Ecclesia Apostolica se lætetur protectione muniri. Concessit insuper omnibus, & singulis utriusque sexus Christi fidelibus verè poenitentibus, & confessis, Ecclesiam prædictam visitantibus in anno in quo Festum ejusdem S. JACOBI ZEBEDÆI in Dominica venerit, à vigilia Circumcisionis Domini, & per totum illum annum integrum, usque ad diem ejusdem Circumcisionis, & per totum diem in fine illius anni in diebus quibus magis eis placeret visitare, ut omnes & singulas illas peccatorum indulgentias, & remissiones, etiam plenarias, quas visitantes Ecclesias, & Basilicas Urbis, & extra Urbem anno Jubilæi consequerentur, cum facultate deputandi Confessores, qui ad dictam Ecclesiam pro consequenda indulgentia hujusmodi confluentes, etiam in casibus Sedi Apostolicæ reservatis, absolverent: ac etiam eisdem Christi Fidelibus in ejusdem SANCTI JACOBI, & Translationis Corporis sui, ac Dedicacionis ejusdem Ecclesiæ festivitatibus, Ecclesiam prædictam, à primis vesperis usque ad secundas vesperras, ac per totum diem inclusivè, devotè visitantibus, annuatim, ut plenariam indulgentiam omnium peccatorum suorum, de quibus corde contriti, & ore confessi forent consequerentur, perpetuis futuris temporibus duraturam concessit. Nos igitur ad hoc Prædecessorum nostrorum sanctæ memoriæ, ejusdem Calixti Papæ, ac Eugenii, & Anastasii vestigiis inherentes ad gloriam Omnipotentis Dei, totiusque Religionis Christianæ augmentum, qui ipsum gloriosum Apostolum ad ejus Ecclesiam Compostellanam hujusmodi devotionis causa de diversis mundi partibus, dimissis parentibus, amicis, liberis, patria, ac aliis temporalibus bonis, per mare, terramque continuè conflunt in numero copioso, quique animarum salutem supernis desideramus affectibus, & dignis volumus honoribus frequentari, & ut ipsi Christi Fideles in eadem se recognoscant Ecclesia Christi muneribus refectos, de Omnipotentis Dei misericordia, ac Beatorum Petri, & Pauli Apostolorum ejus autoritate confisi, omnes & singulas prædictas indulgentias, & Jubilæum ipsius eisdem modo, & forma quo Romana Ecclesia habet, etiam se lætetur Compostellana Ecclesia, pro singulari B. JACOBI devotione, tenere, anno videlicet quo ut præfertur festum D. Apostoli JACOBI in Dominica venerit, & per totum annum integrum ut præmittitur: Nec non in diebus illis, scilicet SANCTI JACOBI, & Translatione Corporis sui, & Dedicacionis ejusdem Ecclesiæ, plenariam indulgentiam annuatim consequantur visitantes prædictam Ecclesiam, ut præfertur, Autoritate Apostolica, & ex certa scientia approbamus, roboramus, & communimus, ac perpetuæ firmitatis robur tenere in perpetuum decernimus, & insuper illas de novo ejusdem modo, & forma in omnibus, & per omnia, ut supra concessum fuit, concedimus, & indulgemus, & perpetuis volumus futuris temporibus duraturas, non obstantibus Constitutionibus, & ordinationibus Apostolicis, &c.

Nulli ergo omnino hominum liceat, hanc paginam nostræ aprobatationis, confirmationis, concessionis, & indulti infringere, aut ei ausu temerario contraire. Si quis autem hoc attentare præsumperit, Reum se Divino Judicio existere de perpetrata iniquitate cognoscat, & à Sacratissimo Corpore, & Sanguine Redemptoris Domini nostri Jesu-Christi alienus fiat, atque in extremo examine Divinæ ultionis subiaceat. Cunctis autem eandem Ecclesiam visitantibus sit pax Domini nostri Jesu-Christi, quatenus, ut hic fructum bonæ actionis percipiant, & apud districtum Judicem præmia æternæ pacis cum B. JACOBO inveniant. Amen. Amen.

Datum Vitervii, per manum D. Auferii S. Romanæ Ecclesiæ Subdiaconi. VII. Kalend. Julii indictione XIV. Incarnationis Dominicæ anno M. C. L. XXIX. Pontificatus verò Domini Alexandri PP. III. Anno XIX.



79  
148/22-057  
214098221



BULLA ALEXANDRI III.  
PONTIFICIS MAXIMI  
DE JUBILAEO DIVI JACOBI UNICI  
MILLEMILLIENSI PATRONI  
AD PERPETUAM REI MEMORIAM

BIBLIOTECA UNIVERSITATIS  
GRANADA  
Salut: C  
Esantio: 001  
Nº de C.: 044 (67)



79

[Faint, mostly illegible text of the bulla document, appearing as bleed-through from the reverse side.]